

Superrigardo pri la decidoj dum la [45-a] senatkunsido, 23.6.–24.6.2001 en Freising.

Ĉeestantoj: Senatanoj Foessmeier, Frank, Holdgrün, Lewoc, Maitzen, Minnaja, Quednau, Wickström kaj vicsenatano Angstl.

Datoj: 23.6.2001, 9:00 – 13:00 h kaj 15:20 – 18:15 h
24.6.2001, 9:00 – 14:10 h kaj 15:00 – 18:10 h

1. La akademio konservu la nomon „Akademio Internacia de la Sciencoj (AIS) San Marino“, tiel konfirmante sian unuan registriĝon.
2. La senato taskigas kolegon Minnaja plu gvidi la interkonsiliĝon kun advokato Busignani por adapti al la nuna leĝo de RSM la statuton de AIS aprobitan de la Konsilio de la XII en San Marino la 25an de novembro 1986. La senato rekomendas, ke al la sanmarina AIS-asocio apartenu flanke de la akademio laŭvice la kolegoj Minnaja, Pennacchetti, Magnani, Frank kaj Corsetti aŭ La Torre, la lastaj du laŭ ilia reciproka interkonsento.
3. La pripersonan demandilon renovigu kaj modernigu kolego Minnaja. Ĉar la trezoristo ne vidis reduktion de sia ŝarĝo de la cirkuladproceduro de la AIS-aligiloj, ĝi restu senŝanĝa.
4. La senato rekomendas al la koncernataj sekcioj pritrakti rangoplialtigojn por la kolegoj La Torre, sekcio 3, Weeser-Krell, sekcio 2, kaj Milnera, sekcio 5, se ili plenumas la necesajn kondiĉojn.
5. Por instigi finekzamenitojn al ISKaniĝo ankaŭ pripersona informilo akompanu estonte la kandidatleteron, kiu tiucele estu redakte ŝanĝita de la ekzamenofico. La sukcesintaj finekzamenitoj aŭtomate fariĝu ISKanoj por la resto de la koncerna jaro. Nepago de kotizo flanke de ili en la venonta jaro estu konsiderata kiel rezigno pri ISKanejo.
6. Por la premio Pirlot konkurencas du libroj, nome la dum lastaj jaroj anoncita kaj ĉi-jare presita libro de Wandel/Galadi Enriquez kun la titolo „La kosmo kaj ni“ kaj la ekonomihistoria verko de Sandelin, Wundrack kaj Trautwein pri „La historio de ekonomika pensado“. Decido ĝis nun ne okazis.
7. La kunlaborkontrakto inter AIS kaj la universitato lanĉita de sinjoro Jarmark en Poznań ne plu validas; li kaj la gvidorganoj de tiu universitato estu petataj ne plu uzi por siaj koncernaj aktive-

coj la nomon de AIS kaj ne menciu la reciprokan agnoskadon.

8. La prezidanto klopodu reaktivigi la rilatojn al la AIS-klerigejo „Moskva Ŝtata Geologia Esplorakademio“. Se la rezulto ne estas kontentiga, tiam la kontrakto inter ĝi kaj AIS estu nuligita.

9. La nova kontraktopropono por la AIS-klerigejo en Bydgoszcz ne estis findiskutebla. Pro la ŝuldoj de tiu klerigejo al AIS la prezidanto firme promesis ne

- a) estos pagitaj la ĝis nun fakturitaj ŝuldoj,
- b) estos prezentitaj la mankantaj finkalkuloj por antaŭaj sesioj,
- c) okazos pago por la koncernaj kandidatoj de SUS 24 ĝis plej malfrue la 31an de julio 2001.

10. La raporto de la trezoristo pri la bilanco kaj spezoekalkulo por la jaro 2000 kaj lia propono pri la buĝeto por la jaro 2002 estis akceptitaj. La senato konstatis, ke granda kvanto de la postuloj estas necerta, pro kio necesas arigi koncernajn rezervojn. Krome estas planite akumuli rezervojn por sidejo de la akademio.

11. La decido pri la lingvoj uzendaj ene de AIS restu netuŝita. Statuto kaj ties apendico aperu en la kvin antaŭe „oficia“ nomitaj lingvoj de AIS, la regularo nur en ILo. Por administrataj taskoj servu ankaŭ tiuj kvin lingvoj. Se AIS jure registriĝas en lando kun alia oficiala lingvo aŭ fariĝas parto de institucio tie laŭjure ekzistanta, tiam ankaŭ la loke oficiala lingvo estas uzebla por tieaj administraj celoj.

12. La reta decidproceduro sekvu la iam faritajn proponojn kun la precizigo, ke

- a) la retan diskuton gvidu la vicprezidanto. Li elektu traŝan „koncern-vorton“ (temlinion) kaj fiksu la limdatojn por la diskuto kaj por la voĉdonado;
- b) minimume 5 senatanoj devas konfirmi la ricevon de la diskutmalferma rondletero de la vicprezidanto;
- c) la rezultoj de la diskuto eniru la protokolon de la venonta kunvena senatkunsido;
- d) la limdatoj sekvu fiksan kalendaran ritmon tian, ke ĉiam la lasta sabato en monato estu la limdato por la voĉdonado. La antaŭa diskuto okazu dum trisemajna tempointervalo, kiun sekvas unu semajno da voĉdonado.

13. Por kaj nur por la SUS 24 en Bydgoszcz en la

jaro 2001 la senato unuanime proponas al la Ĝenerala Asembleo la jenan ŝanĝon de la koncernaj punktoj en la regularo, precipe en la ekzamen- kaj aliaj kotizoj. La rabato celas kandidatojn el difinitaj landoj kun malpli forta ekonomia situacio.

a) La (nerabatataj) studentaj legitimiloj reduktas laŭ la ĝis nun valida kaj aplikata regularo nur nerabatitajn kotizojn.

b) La ne per la legitimilo pageblaj kurskotizoj estas rabatitaj.

c) Ne plu estas rabatitaj la kotizoj pro malfruiĝo; ĉiu kandidato mem povas zorgi pri ĝustatempa anonco de sia ekzameno.

d) La agnosko de studunuoj por originalaj bakalaŭriĝo kaj magistriĝo kostas sen distingo de diversaj kategorioj por ĉiu kandidatoj po 0,5 AKU, kondiĉe, ke la patrono trovenda de la kandidato konfirmas normigitan kompletan liston pri la agnoskendaj studunuoj kaj sendas al la asistanto de la ekzamenofico tiun liston kaj almenaŭ fotokopion de ĉiuj por la agnoskendaĵ kursoj necesaj dokumentoj en sufiĉa detaleco. Tio okazu plej malfrue ĝis la 13.8.2001, alikaze ekzameniĝo eblas nur laŭ la normalaj ĝisnunaĵ reguloj. (La originaloj ĉiukaze devas esti prezentebaj dum la SUS, dum kiu okazas la kandidatiĝo.)

e) El punkto d) oni ne povas konkludi, ke la limdato por bontempa anonciĝo al la ekzameno en Bydgoszcz en 2001 ŝanĝiĝis. Tiu limdato estis la 20a de aprilo 2001.

Göttingen, 25.6.2001

Publikig- kaj Protokolofico

J. Lewoc / H. S. Holdgrün